

綏遠志卷五上

經政畧

五司所職總記

綏城惟將軍握金印協領則有關防佐領圖記而已協領關防頒自乾隆二年右衛將軍王昌移鎮之始 奏定綏遠駐防設左右二司由禮部頒給關防左司所職卽吏刑兵也右司所隸則戶禮工也由協領擇委二人其三協領曰管理旗庫分戶工之任也曰管理前鋒營分兵刑之一事也曰印房並吏禮事而分之者也綜六而二折二爲五又融三於六條理井然而土默特之兩司象焉今志綏遠卽本此以爲例先兩司繼三司扼其要旨以五者爲經諸

綏遠志

卷五上經政畧

五司所職總記

一

政緯之隱寓周官法度於時制之中雜而不殺瑣而不猥斯謂以綏志綏者歟

左司事務

兼印房數則

一乾隆二年將軍 奏准於每年四月十五日兵丁馬匹出廠每二旗派官一員每旗馬兵十名在廠監放至九月十五日回城喂養出廠時每佐領下留存城當差馬各十五匹共馬三百匹以備差務

牧廠處所另有圖說

一所司將軍以下員數兵額馬匹定額及馬乾並折銀

數目

均見列表並見庫貯馬價條

一將軍

敕書兼管右衛歸化城土默特官兵如有需用綠旗官兵之處於大同宣化二鎮綠旗官兵內聽其酌量調遣

一每年春季二月十五日起至三十日止秋季八月初一日起至十五日止吹海螺近用洋號

一每年二月十六日開操起至四月十六日止七月十六日開操起至九月十六日止

一春季演槍打牌七日秋季打牌九日每年秋季派委官兵在於哈爾沁溝口地方演礮十日以上改用陸軍章程

一由盛京等處發來遣犯名數有無之處著於每年十月內截數咨報軍機處刑部查核

綏遠志

卷五上經政畧

五司所職總記

一一

一記名協領坐補仍照舊例具奏咨報部旗佐領防禦等官坐補時咨報部旗外仍於十月內截數分咨

一併彙數咨送值年旗歸入坐補驍騎校案內辦理

一將軍移咨兵部頒火票勘合四道以備緊急公務其有無動用之處年終咨報兵部印房存儲

一殺虎口駙站事務交綏遠城將軍兼管稽查每年九月內派官一員前往殺虎口各處查點馬匹臚分

一春秋二季操演槍礮應需藥鉛等項遵奉部文遇每年正月間派員赴部請領年終造冊咨核同上

一廣覺寺命盜案件每年春秋二季派官一員前往查

核喇嘛數目咨報理藩院查照三年屆數將軍親身前往查核一次

一歸化城貿易商民前往烏里雅蘇台等處執持部票勒限貿易其部票係派員赴部請領俟商民貿易完竣將票限內送部繳銷見歸綏商集門

一蒙古印票十張儻遇緊急公務以便遣員執持前往各蒙古地方公幹有無動用之處每年年終咨報理藩院查照印房存儲

一大小官員出身歷任陞轉年月官冊並筆帖式經制冊每年春秋二季造冊送部查核

綏遠志

卷五上經政畧

五司所職總記

三

一歸化城等處蒙古命盜案件由各該廳會同兵司參領等官定擬再由副都統歸綏道會勘明確咨報將軍覆審轉咨理藩院核覆

值班堆撥名額

見該班兵額條

一留防馬隊官兵

見陸軍表

左司事務新案

續錄

一光緒二十五年 癸派練軍步隊一營旋經改爲常備軍嗣復改設陸軍一營現在官兵五百六十四員名其兵丁係由領催前鋒馬甲內挑派 奏咨在案

一光緒三十年十月准兵部咨本部議覆翰林院侍讀

伊克坦 奏請駐防世職雲騎尉以下暨六品驍騎校以下均免其引 見

一光緒三十一年十二月兵部籌議變通武備章程內開所有引 見人員著毋庸持弓京外各旗及東三省旗員赴引均照綠營成案一律辦理其各旗營此較箭枝挑補官兵等事應即停止

一光緒三十二年九月 奏嗣後遇有協佐防驍各項官缺如本翼本旗能有相當之人仍照舊章辦理儻人不相當即不分左右兩翼滿蒙各旗通行揀選

一光緒三十三年正月准陸軍部咨旗營武職軍政摺
綏遠志 卷五上經政畧 五司所職總記 四
內聲稱舉行軍政之旗期營舊例係考驗弓箭今應此照綠營考驗槍礮以歸畫一

右司事務

一改題奏銷糧餉同知經征渾津黑河莊頭十三戶一年應徵米石交糧餉同知搭放兵糈

一年終咨銷歸化城同知每年經征大青山後廠地租銀解交糧餉同知充放養育兵孀婦孤女餉銀之需其領過銀兩按年造冊送部核銷

一改題奏銷朔平同知經征助馬口外莊頭十五戶每戶各下分給草地各六十頃一年應徵折色銀兩交

朔平同知交放右衛兵餉

一本城糧餉同知庫儲軍需銀兩動用數目年終照例
奏銷

一綏遠城右衛二處徵收鋪面官房租銀年終照例
奏銷

一八旗官員衙署兵丁房間遇有應修之時 奏請借
項修理分作四年扣還歸欸

一三年一次派往烏里雅蘇台換班官各支借半俸兵
丁鹽菜由軍需項下放給 奏銷

一將軍並八旗官員春秋二季應領俸銀由糧餉同知

綏遠志

卷五上經政畧

五司所職總記

五

減成減平支領

一八旗官兵一年領過俸餉米石馬乾折色等項按年
造冊送部核銷

一本城每年所收房租銀內除各項公用外餘剩銀兩
作爲兵等出差盤費等項公用由旗庫移司咨部查
核

一八旗兵丁紅白事件遠近差使所借急需銀兩每年
分晰造冊移司咨部核銷

一八旗兵丁紅事賞銀奉文停止其白事賞銀由歸化
城同知征收新舊案牧廠地租項下放給每年正月

內旗庫造冊移司咨部核銷

一八旗兵丁補例倒斃駝馬並更換駝馬借支房租銀兩數目按季由旗庫造冊移司查核咨部

一凡送奏摺所需騾價銀兩由司移付旗庫在於房項下動給

一印房左右司旗庫公費等項銀兩由旗儲房租項下減成放給

一八旗遇有應請旌表節婦奉部奉准後所需建坊銀兩在於房租項下減成放給

一春秋二季致祭各

綏遠志

卷五上經政畧

五司所職總記

六

廟所需祭品並十一廟每月香鐙銀兩在於房租項下動給

一大青山後卡倫所領盤費明改入巡警局經費

一將軍並八旗官兵按月應領餉銀米石馬乾折色銀兩由糧餉同知除成平照數關領

一將軍四季應支養廉銀兩由司按季移付歸化城戶司按季減成減平照數關領

一旗庫存儲八旗官兵馬價銀兩數目年終造冊報部核銷

一旗庫存儲八旗官兵駝馬價銀內遇有派往烏里雅

蘇台換防官兵照數領出回城後於關領折色月分扣還按月咨報查核

一八旗官兵等所住房間並無私行租典每年年終由各旗具結呈司咨部

一八旗遵照部文三年比丁一次由旗造冊送司咨報戶部京旗

一八旗各佐領下比丁後閑散人等名數有多寡不齊者具奏均撥

一渾津黑河助馬口外莊頭等三年一次造送家譜由該同知及城守尉承造詳送咨報戶部內務府

綏遠志

卷五上經政畧

五司所職總記

七

一糧餉同知收儲歸化城等五廳每年征解土默特廠地租銀遇糧價平減之年採買米石充放兵米由歸

綏道核轉前來咨部核銷

奏改入官兵本色米石貼價

一豐鎮寧遠二廳征解民地米折並新平口外莊頭等退換圈地租銀以及耗羨等項糧餉同知查收詳報

咨部

一歸化城右衛二處一切關係錢糧米石戶口事務該處咨部到日由司核對咨部

一八旗官兵墳地二十一頃九十畝係乾隆五年奏准賞給坐落北門外四望莊

管理旗庫事務

一八旗官兵儲庫馬價官員病故應領出庫馬價

一八旗兵等儲庫加添馬價

一兵等儲庫駝價以上防項皆兵等三年一次烏科戍守換防應領之價

一備用官兵紅白事件差務急需應放官兵紅白事件差務急需

一本城空閑地基並鋪面房租應放各廟香燈祭祀摺差驛脚各處公費等

項

一生息備用八旗官兵坐卡倫盤費改放巡警營經費

一生息兵等白事賞卹應放兵等白事賞卹

一生息八旗閑散津貼應放八旗閑散津貼

綏遠志

卷五上經政畧

五司所職總記

八

一按季收各廳生息應收賞卹卡倫盤費一項八旗津貼

均准右司付咨放給施行

管理前鋒營事務

原設總管協領一員委翼長佐領二員委章京四員前

鋒二百名隨盔甲二百付內有前鋒委官二十名委什

長十六名旗录二十四名書手四名應設將軍衙門每

日值班委章京一員前鋒十名應辦年終軍器報銷冊

籍呈遞左司轉送報部

印房事務

一於八月二十五日以前五月初十日以前拜發慶賀

皇太后

皇上萬壽表文賚送山西巡撫彙進

一於九月二十五日前六月初間拜發慶賀

皇太后

皇上萬壽叩頭摺

一於冬至前五十日拜發

長至

皇太后

皇上表文賚送晉撫彙進

一於十一月初間拜發慶賀

綏遠志

卷五上經政畧

五司所職總記

九

皇太后

皇上元旦表文賚送晉撫彙進

一於十二月初間拜發元旦叩頭摺

一一切

題奏事件均歸印房繕寫

各歸各衙門主稿

一遇軍政之年

題本十月內拜發

遇有

皇上恭謁東西陵具

奏接送駕請安摺

一將軍得

賞福字謝恩或片或摺遇奏事之便具

奏

一繙譯教習三年期滿循例保題

一恭遇

萬壽元旦穿蟒袍日期傳知八旗

一軍政之年遇有年逾六十五歲堪以保留供職之員

先行專摺具奏

一軍政之年保留逾歲官員具奏奉

旨准留者仍續入題本本內聲明一併具題

綏遠志

卷五上經政畧

五司所職總記

十

一軍政之年遇有堪保卓異之員卽於題本內聲明一併具題

一遇有收到催送公文部發火票按季造具漢字清冊

咨送陸軍部查銷

一每季有無收到排單之處牌飭山西按察使

一殺虎口驛站遇有應付過勘合差使接據該驛傳道

■籍隨時咨報陸軍部查核又每月接遞過

表文奏摺夾板公文火票照依該驛傳道造送原冊按月

咨報陸軍部查核並俟年終再造統冊咨報陸軍部

一每年封開印信奉到部咨隨時轉飭所屬一休遵照

一每年各壇廟祭祀齋戒日期奉到部咨隨時轉飭所屬一體遵照

一遇有日月食日期接到布政司來文隨時轉飭所屬一體救護

一將軍帶印公出往返日期咨報陸軍部

一遇有收到烏蘭察布伊克昭各盟之札薩克等咨送理藩部蒙古封套隨時備文咨送陸軍部轉送理藩部

一遇有繙譯鄉試會試之年接准部咨遵限據實咨報體部並照會布政使司

綏遠志

卷五上經政畧

五司所職總記

十一

一本衙門拜發 表本 奏摺暨起更開閉城門需用火藥歸化等廳輪流解交

一各處遞到各項來文由印房呈堂打到後分交各衙門辦理

一應 奏各摺月奉到

硃批暫行存收半年恭繳

一筆帖式三年期滿照例咨部註冊

綏遠志卷五下

經政畧

五司所職類記
附近政

軍政

以下吏政屬左司

每逢五年舉行軍政接到兵部來文定於八月節後

將都軍

統親加考驗有無舉劾於十月內具題其六十五歲以上

精力未衰者照例出具考語專摺保留

將都軍
副都統

造具事實

冊八旗官員等均造具四註清冊呈請

將都軍
副都統

填註考語

隨本揭送兵部兵科都察院京畿道惟兵科備具文批專員賚送

駐防軍政卓異官員只將協領保送其佐領等官俱不必

綏遠志

卷五下經政畧

五司所職類記

一

卓異保送

軍政之期所有駐防世職驍騎校停止薦舉外其佐領防禦仍照舊例入於軍政考驗如有賢能出色之員准其一體薦舉以昭甄敘

將都軍
副都統

每遇軍政卓異官員定例止准保薦二員

挑選協領佐領等缺擬正擬陪務須酌定著有勞績熟習字意通曉滿蒙話語騎射兼優辦事能幹者准其入選送京儻有送京人等內才學不佳不能辦事或將曾經出征勞績優長人員擬陪等弊須更正聲明叅奏

按旗員出缺原按左右翼分補不相通假將軍貽

穀慮爲例所拘或致才地不稱 奏請俟後遇協
佐防驍等缺不分左右翼滿蒙各旗但取人地相
需一體請補光緒三十二年 允行

綏營舊存軍器數目兵政屬左司

盔甲 撤袋 腰刀

協領佐領防禦驍騎校輕車都尉騎都尉雲恩騎尉
及委前鋒什長小旗前領催至馬甲各一惟步甲無
盔甲養育兵改步甲並無撤帶

弓

協領至恩騎尉二張委前鋒以下至養育兵一張

綏遠志

卷五下經政畧

五司所職類記

一一

梅鍼箭

二百五十枝

自協領而下輕車都尉而下遞減五十枝委前鋒以
下七十枝馬甲步甲養育兵五十枝又各批箭五枝

海螺 燾

惟協領佐領有之燾則協領亦無

帳房 銅鍋

前鋒領催馬甲四人有其一前鋒並有手鎗一桿鈴
鐺四箇麻繩七丈

現存官兵盔甲一千六百六十四幅綿甲八百件帳
房六百頂銅鍋六百口烏槍燾八桿烏槍小旗五十

二桿驍騎纛二十桿驍騎小旗一百桿贊巴拉特鳥
鎗八百桿撒袋二千四百六十四幅腰刀二千七百
六十四口梅針箭十四萬六千枝批箭一萬三千三
百六十五枝長鎗六百桿弓二千八百二十八張長
矛二百桿
二十佐領下存貯裁汰佐領軍器
腰刀七百口梅針箭二萬一千六百枝銅鍋二百六
十六口長鎗一百五十七桿批箭一千五百枝贊巴
拉特鳥鎗一百六十桿現操子母炮二十位
四城樓存貯

綏遠志

卷五下經政畧

五司所職類記

三

九節十成銅砲三位冲天炮二位牛腿炮一位威遠
炮三位大子母炮一百位小子母炮八十六位堪用
鎗五千一百九十七桿修理堪用鎗二千七百三十
桿

按舊軍械所止存火槍等械後將軍信恪 奏添
常備軍三百名在神機營請領毛瑟槍率朽不堪
用既經將軍貽穀疊次籌欸購到馬槍四百二十
桿步槍一千一百桿馬快礮六尊並前留忠毅軍

馬快礮四尊足資操演

快鎗 二次購辦詳

奏牘

光緒三十二年四月將軍貽穀 奏陸軍餉章摺內稱查

有八旗庫儲棉甲自乾隆初迄今垂二百年從未動用迭經派員詳查大半黝朽擬揀其未全霉爛者變價改製軍衣

三十二年十月陸軍部核覆綏遠城餉章咨文內稱原奏八旗庫儲棉甲擬揀未全霉爛者變價改製軍衣一節查此項棉甲是否每年遞存現在已霉爛者若干可變價者若干每分棉甲可得售價若干應令詳晰咨覆再准變價

三十三年二月將軍聲覆陸軍部咨文內稱棉甲一項自乾隆年間發綏從未動用案查卷宗原日發下共七百

綏遠志

卷五下經政畧

五司所職類記

四

二十五件百餘年來日見其短少亦日見其霉爛若不及時變價將成朽灰並卽於無因於去年三月間全行檢出按七百二十五件共變價銀一千零五兩三錢七分二釐五毫卽以此項價銀添置軍衣使百餘年以後之兵挾百餘年以前之續化無用爲有用仍屬以公濟公若再例存數年之後卽此微些之價亦不能變其詳細數目另冊咨報以備查核

該班兵額

四門堆撥

每班十名

鼓樓值更甲兵

每班十名

旗庫馬兵 每班八名

捕盜廳 每班官一員馬甲十五名

豐裕倉堆汎四處 每班領催一名馬甲四名

大教場 值班馬甲四名永遠看守

小教場 每班馬甲四名

糧餉同知銀庫 值班馬甲八名永遠看守

望火亮堆汎五處 每班馬甲四名

八旗步甲堆汎

將軍衙四角堆汎四處 每班各值班步甲四名

四大街堆汎四處 每處每班步甲四名

綏遠志

卷五下經政畧

五司所職類記

五

八旗堆汎八處 每處每班步甲四名

陸軍部步隊第一營

總欸

一入察哈爾左右翼墾務罰欸歸東路公司股本五萬
一千四百九十八兩

用欸

一出購新民七密粒口徑五響毛瑟步槍四百枝馬槍
二百一十枝每枝帶子彈一千粒六十九兩五錢八
分共銀四萬二千四百四十八兩
一出購無煙子彈十五萬粒共銀六千七百五十兩

一出購單響鉛頭子彈十萬粒共銀二千二百兩

收欸

一入由東廳領津貼銀七千三百九十八兩每月銀六

兩五錢

一入由東廳領城平銀三千五百五十四兩三分大小作

建

一入由官錢局暫借銀一千二百兩

一入豐甯興解交四釐另租銀一千六百一十五兩六

錢七分每年多寡不等

以上四項一年共入銀一萬三千三百六十七兩七

綏遠志

卷五下經政畧

五司所職類記

六

錢

一出年做軍衣兩次約需銀二千兩

一出每月應發薪費津餉等項銀一千一百四十三兩

五錢一年共支放銀一萬三千七百二十二兩

以上二項共出銀一萬五千七百二十二兩

按八旗牧廠界內煤產頗饒經將軍信恪 奏歸

地方官經徵礦釐以餘利助武備學堂之用未及

行嗣經將軍貽穀覆 奏歸綏遠徵釐仍以濟陸

軍學堂

按右翼四釐另租每畝一分八釐向以一分四釐

陸軍步隊官兵薪費津餉表

官弁兵夫	員名	薪水	公費	津貼	月餉
管帶	一員	一百兩	八十兩		
督隊	一員	五十兩			
隊官	四員			四兩	
排長	十二員			二兩	
司務長	四員				
軍需長	一員			五兩	
書計長	一員			四兩	
正目	三十六名			一兩六錢	

綏遠志

卷五下 經政畧

五司所職類記

八

副目	三十六名			錢一兩五分	
正兵	二百四十四名			一兩五錢	
副兵	二百八十八名			下同	
號兵	八名				
護兵	十九名				
司書生	六名				
號目	一名				十兩
匠目	一名				九兩

兵事

光緒三十年正月匪酋曰劉天佑哈密架王李老仙等糾合甯夏匪首偽號耿大王李四軍門等分寇後套杭錦旗五和公黃惱樓一帶五原廳薩廳同知姚學鏡清治偕馬隊管帶遊擊胡太才會稟綏遠將軍貽穀派管帶常備軍德克吉克並管帶續備軍四旗馬隊譚湧發分路堵截又派驍騎校春秀輦劈山礮並莫支克鋼礮至大中灘地逼賊壘克之哨長王殿邦以力戰沒於陣時大同護鎮孔慶唐所統馬步全軍亦至追獲匪酋陳玉山劉天佑等五名並悍黨葉三虎等三十七名俱伏誅又擒獲呂繼金等百

綏遠志

卷五下經政畧

五司所職類記

九

九十餘名俱以脅從罔治冒充官兵之劉長清等五十名押赴各廳編管獲各鎗械大車駱馬無算分儲省局墾局勞慰諸軍因 奏獎德克吉克春秀及桑高才諸人至孔慶唐等則已由晉撫張曾敷保 奏矣

出籌綏遠志草 奏牘及

命盜案件

此刑政屬左司

綏城命盜各案付糧餉同知承審讞具由軍府覆審其重案分別 奏聞至旗漢交涉事件或旗漢相戕統由歸化廳官訊鞠將軍派協佐各員赴廳會訊定擬後旗由將軍覆審漢由山西按察使判斷其右衛命盜重案亦同此例

八旗男婦子女數目

以下戶政屬右司

男四千三百六十一名 婦三千六百一十五名
子一千五百九十六名 女二千一百五十五名
以上男婦子女共一萬一千八百二十七名

綏遠城田賦表

司職							
地段		原墾地		大青山後牧地		熟地	
頃數		六畝四分厘		四十千二百頃		三千二百八十分畝	
佃民		八十一石四斗四分		每畝一石二升		米徵	
銀徵		每石六折		每畝徵銀二分一厘		五毫	
草折		每畝折銀九厘共銀三兩三錢一分有奇		每畝折銀六分		每畝折銀六分	
總數		七百七十五錢二分五毫		共實徵銀七百七十五錢二分五毫		共徵銀一千二百八十七錢四分八分	

綏遠志

卷五下經政畧

五司所職類記

十一

同 遠綏							
四大旗山後閑地		又十五溝		又十地		又十地	
七十四頃三十分		一十九畝一分		有奇		有奇	
每畝三升		每畝二升		每畝一升		每畝一升	
共銀九十錢		共銀四十錢		共銀二十錢		共銀十錢	
每畝徵銀二分		每畝徵銀一分		每畝徵銀一分		每畝徵銀一分	
共銀九十錢		共銀四十錢		共銀二十錢		共銀十錢	

	綏遠志	知徵留庫統餉地		
黑河		渾津河		
<p>一百五十六 頃二十</p> <p>五畝六分 七厘有奇</p>		<p>三百六十一 頃六十分</p> <p>七畝一分 有奇</p> <p>二畝七分 有奇</p>		
<p>趙玉剛</p> <p>王成</p> <p>張承業</p> <p>丁開山</p> <p>胡建基</p> <p>李自明</p>		<p>王文魁</p> <p>劉金鍾</p> <p>宋勝</p> <p>吳永茂</p> <p>杜萬山</p> <p>劉佩</p> <p>潘世福</p>		
<p>共米五百 二十石八</p> <p>斗三升三 合八勺</p>		<p>共米八百 七十二石</p> <p>一斗四升 有奇</p> <p>二石九斗 五升有奇</p>		

卷五下經政畧

五司所職類記

倉儲 戶政屬右司

儲糧處卽積穀義倉平日蓋藏之鮮由公家月放兵米籌欸之艱且或窘於目前又遑計備荒之策將軍貽穀履綏後預籌鉅欸用實倉儲現可購穀二萬五千石大興常平養倉之政

按豐裕倉在大使署東南以豐裕民安樂時和百室甯困廩慶陳因編字爲十五厥近則空倉雀噪矣兵糈朝入而夕頒初無一困之畜萬一水毀木機其不至流亡餓莩者幾何將軍貽穀履綏卽慮及此丙午中稔輒欲糴米入之佐領阿某曰歲當再熟公姑待之固請乃已迄丁未大有年穀斗數百緡乃增價收入倉前購不及萬者令乃二萬餘石矣民大悅倉有三年之食矣

奏設官錢局

光緒三十年十二月十三日經將軍貽穀附奏以綏遠城兵米不敷月放改將一年應放之米一半歸成月折卽此月折且積欠數月兵米一有愆期人人朝不謀夕重爲各旗無窮之累始尙自行典當賠補久亦典當無資一有急需動指米餉息借鋪店按月攤還而商賈龍斷居奇外加內扣層層剝折母子循環一本百利兵之

積累日多一日商之盤剝亦日甚一日卒至餉不自有貧不聊生較之京城米碓房之苦制旗兵情形尤爲可憫因擬仿照奉天湖北江西河南等省在省城設立官錢局辦法於綏遠城試辦有無緩急調劑盈虛俾市面流通公私兩便庶兵丁從此永不爲奸商所制雖官家利益尙待將來而各旗佐窘苦異常已於目前均沾實惠堆開辦官本旗庫無款可籌暫由墾務公司借銀一萬兩以資經始俟辦理有效陸續歸還並委廉公協領一員總司其事現屆歲暮又值年荒八旗萬家待劑孔急已飭先行試辦如經理得法利於推行再行酌量推

綏遠志

卷五下經政畧

五司所職類記

十四

廣等情當奉

硃批戶部知道欽此查官錢局自開辦以來將及三年現已逐加推廣盈虛酌劑闐闐流通軍民獲緩急足恃之益而不受奸商盤剝之害公私兩便成效昭然綏之人自茲以往當無艱窘慮矣顧從來善政難在創尤難在守不愆不忘率由舊章是所望有位之君子

鹽法

戶政屬右司

驛傳道所管伊克昭盟河西東素海台站有地一段東西廣十五六里南北袤一里至三里不等地脈磽瘠不宜墾種素產土鹽又名小鹽資味均遜該處貧民於春季埽土

淋水於夏秋兩季煮鹽計安鍋五十餘口資本無多出產不旺於光緒三十二年十二月由殺虎口站地墾務總局擬將此段鹽地劃留招集股商設立官鹽號收購所熬之鹽廉價轉售小民酌取商釐每石一錢五分每歲最旺可售萬餘石將此釐金撥充綏遠城學堂的款於是月附奏奉

旨允行次年春經商人惠殿元籌集股本銀萬兩承充官鹽號商請驗批示取名公裕鹽號在該台與河口設總分局各一所并發給官本二千金飭領試辦時接口外包頭鎮官鹽局移稱該局奉巡鹽部院批准兼辦河口鎮鹽防梁

綏遠志

卷五下經政畧

五司所職類記

十五

東西兩場熬鹽其委員已在台境黃土圪梁聚魁圪梁兩處設立分卡不肯撤退復由將軍咨商晉撫始令口外鹽仍照章銷售大鹽東素海台歸綏遠鹽號只銷零星小販與附近數十百里村戶及蒙古准噶爾旗一隅與河東引鹽不相關涉與口外鹽局並行不悖皆咨度支部立案

房租地租

右司兼旗庫

綏遠鋪房四街八面一等至六等共千五百三十間二十六年分改修兵房二百六十二間三十九年分變價房一百七十二間實存千九十六間乾隆二十四年至三十九年八旗分管鋪後房一百六十六間變價房十間實存百

五十六間裁汰佐領取租房二十四間七分取租官空閑房七十三間以上五項共應有取租房千三百六十八間現空房二百間取租房千一百六十八間每月納收銀三百五十九兩有奇乾隆十六年起徵收折毀房間空閑地基菜園租銀每年約收銀二百九兩零一年共約收房租地基菜園租銀四千五百一十七兩有奇內開除本城各項公用銀千五百一十三兩有奇下剩銀二千九百九十九兩零於四十九年前任將軍積福將前項餘銀 奏准作爲兵丁修理軍械堆撥盤費使用乾隆二十四年將軍保德 奏准兵丁駝馬遇倒斃或更換駝馬許借銀二十綏遠志

卷五下經政畧

五司所職類記

十六

兩十兩十五兩七兩不等四十箇月扣還又紅白賞銀亦准暫借詳後篇

按綏遠城內官地年久浸沒租額不敷經將軍貽穀派員清查降等定租歸入旗庫以濟各署辦公之需

庫存馬價

乾隆六年前任將軍補熙 奏准八旗官兵庫貯馬價協領每員本身存馬價銀十八兩佐領每員存馬價銀三十兩防禦驍騎校輕車都尉騎都尉雲騎尉每員各存十六兩恩騎尉存八兩兵丁各存貯四兩官兵共貯存庫銀

九千四百八十兩內於三十五年奉戶部來文在於馬價銀內撥出銀八千兩爲官兵差使紅白事宜急需借用作爲二年扣還乾隆三十九年將軍容保 奏准八旗兵丁各添扣馬價銀六兩貯庫此外由承恩當提出歸於旗庫作兵丁紅白賞之銀兩案在三十四年每年春秋二季由藩庫領解每季領銀八百兩如不敷支放暫於房租項下借動俟領到日歸還原款所發賞銀數目列表於左

官木廠

按官木廠爲八旗兵房官署經年失修而設籌本二千金張於東肆自開設以來工不失時材無妄用於旗

綏遠志

卷五下經政畧

五司所職類記

十七

務實屬有裨

儀從執事

以下禮政屬左司軍役附

黃傘二柄

金黃棍一對

廂黃色旗八桿

扇二柄

兵拳一對

鴈翎刀一對

飛虎旗一對

鎗二對

獸劍一對

刑杖一對

迴避牌一對

肅靜牌一對

標旗一對

寬二尺二寸黃心紅邊長五尺三寸

旗桿上大旗一對

寬六尺一

長七尺五寸

謹案祀典惟將軍有事旗纛廟與山川同祭旗之重

如此

將軍原設一切執事於乾隆二年准總理事務處議

奏應照提督之例辦理額設執事人役並轎夫共三十

綏遠志

卷五下經政畧

五司所職類記

十九

六名

謹案軍署有黃纛龍章蜿蜒役者曰大將軍例建此

莫知所昉或謂崇德間

貝勒駐守歸城留此遺制

抑出自

特賜乎又黃桿上亦繪蟠龍當同此例

旗員服制

在京在外駐防滿洲蒙古漢軍武職官員如遇親父母祖
父母及所後父母在任故者以故日爲始居喪百日在他
處故者以聞訃日爲始居喪百日其親父母及所後父母
並爲祖父母承重者仍私居持服盡三年禮如本生父母
親伯叔父母兄弟妻室娶妻之子及養母故者居家一箇
月若同居承辦喪事者居家兩箇月親伯叔祖之子親伯
叔之子親兄弟妻之子親嫂親媳娶妻之孫及有子庶母
叔者送殯後七日令其行走親伯叔祖子之妻親伯叔祖
之孫親弟婦親伯叔子之妻親兄弟子之妻親孫之妻故
者送殯後卽令其行走宗族故者照常行走凡官員居喪
持服俱呈明該旗都統及該管官准假再在京官員有上
朝會射等事該旗將准假情由報明吏兵二部 奏摺不
必復行具題

綏遠志

卷五下經政畧

五司所職類記

二十一

蒙古學堂經費

屬印房禮政兼隸右司

向有甌脫地在察哈爾廂藍旗西北界四子王旗東北界兩旗纏訟頻年經將軍貽穀派員諭解遂各以爲虞芮之間田三十二年十二月 奏免升科租給蒙古學堂經費東兩翼西兩盟特此培植後進

四成地內有河頭餘地歲租約四百金向乃達拉特旗所留讓地於河以防水患瀕河之民私相授受大啟爭端遂於三十二年冬經將軍貽穀 奏歸蒙古學堂

旗庫租稅存儲出入數目 以下戶工政屬右司兼隸旗

馬廠地租

綏遠志

卷五下經政畧

五司所職類記

二十一

大青山迤北地方係乾隆三年 賞綏遠城駐防官兵牧馬草廠南至郭郭圖北至多倫鄂博爲界計闊二百里東至昆篤倫喀爾沁溝西至哈達瑪勒沙布爾台爲界計長三百里共計地三萬二千四百頃內六十年經前任將軍永 奏准開墾地三千八百三十頃每畝徵銀二分一釐五毫共徵銀八千二百三十四兩五錢孀婦孤女每月每口給銀一兩又於嘉慶十一年經前任將軍春 奏准於民人原種地內丈出餘地二千七百二十五頃每畝亦徵銀二分一釐五毫共徵銀五千八百五十八兩七錢五分

馬場冢地

乾隆十年七月撥給綏遠城駐防八旗兵丁馬廠地作塋者二十一頃九十畝內廂黃旗滿洲地一頃八十二畝一分正白旗滿洲地二頃五畝二分廂白旗滿洲地二頃五畝二分正藍旗滿洲地二頃五畝二分東翼蒙古地二頃七十三畝二分正黃旗滿洲地一頃九十三畝一分正紅旗滿洲地二頃三畝八分廂紅旗滿洲地一頃八十九畝一分廂藍旗滿洲地二頃一十畝八分西翼蒙古地一頃二十四畝坐落北門外隅四王莊

按牧廠屯田經將軍貽穀倡率八旗滿蒙二十佐各撥荒地六十頃每佐先遣一戶試辦屯田所資

綏遠志

卷五下經政畧

五司所職類記

二十二

牛糞籽種房間均由屯捐項下籌備其地在四旗蒙古之間已漸成村落於二十九年十二月 奏辦

又牧廠水草之交凡番商羊馬北來者先牧於此其或未經銷售且留牧以待來年謂之存廠由官徵之謂之水草租悉以交庫並助旗費

又牧廠多產藥薄收藥釐爲八旗經費

又境外之地若杭錦四段藍銷渠地沃土也貽軍府督墾之餘爲領五百頃一畝六分又於烏喇忒西公地名什拉胡素內五分子領地九十二頃二

十五畝四分又二十九頃四十六畝一分代籌
荒留以贍綏遠旗族

又右衛馬廠在和林境久爲和民所私種貽將軍
督墾務派委會和廳丈租於民此租歲計七百餘
金充綏遠並右衛公款

旗庫呈開四項生息銀兩出入數目右司旗庫司兼管

耗羨生息原在於山西藩庫耗羨銀內撥解銀二萬兩發商生息每月徵收息銀二百兩每月放給官兵赴大青山後巡緝搶竊盜賊盤費一百九十八兩每月餘銀二兩一年共餘銀二十四兩存庫接放

舊案生息原在於本城糧餉廳庫存牧廠地租銀內提銀一萬兩發商生息每月徵收息銀一百兩每月放給土默特蒙古卡倫盤費銀三十四兩五錢餘銀添補兵丁白事賞卹

新案生息原在於本城糧餉廳庫存牧廠地租銀內提銀

綏遠志

卷五下經政畧

五司所職類記

二十四

二萬兩發商生息一年徵收息銀二千四百兩以一千二百兩歸入兵丁白事賞卹以一千二百兩歸入演練抬鎗抬礮閑散津貼其兵丁白事賞卹歲有餘銀以備接放並奏准歲修

宮廟之需惟津貼一項一年儘數用完

賞項生息原在於兵丁白事賞卹餘存銀內提銀八千兩發商生息每年徵收息銀九百二十兩歸入餘剩房租項下開放修理軍器堆撥兵等出差盤費等項一年儘數用完

旗庫公費冬春每月領銀九兩二錢五分夏秋每月領銀

七兩二錢五分一年共領公費銀九十九兩除減三成減六分平實領銀六十五兩一錢四分二釐

盈甯東庫收放各款數目

糧餉同知與盈甯庫大使兼司庫事

一收由山西藩庫通年領到防餉銀一萬兩

查此項防餉專放綏遠城將軍印房一年辦理摺奏紙張薪水銀五百二十八兩又放綏遠親軍馬隊並支發書手一年鹽乾口分銀一萬六千四百一十八兩一分如防餉不敷在於稅課撥充防餉項下湊放

一收歸化關飭發通年稅課銀一萬三千四百二十兩

綏遠志

卷五下經政畧

五司所職類記

二十五

八錢二分六釐

查此項稅課除應放土默特例提一年採買谷價銀一千五百兩又放伊犁官兵一年餉銀三十六兩下餘銀一萬一千八百八十四兩八錢二分六釐淨數撥充防餉項下

一收由山西藩庫通年領到綏遠陸軍步隊津貼並左司心紅銀七千六百八十六兩

查此項津貼心紅專放陸軍步隊一年津貼並左司心紅銀七千六百八十六兩

一收由山西藩庫委員解到烏科二城通年經費銀九

萬五千七百六十六兩四錢

查此項經費專放烏科二城委員來綏接領運解經

費銀九萬五千七百六十六兩四錢

盈甯西庫收放各款數目

一收由山西藩庫通年領到八旗官兵俸餉粳粟米豆
草折等銀十八萬八千八百七十六兩六錢八分八
厘遇閏加一萬八千三百二十兩一錢一分三厘
一收歸化廳通年解交額徵入官房地租銀八百五十
七兩三錢七分

一收清水河廳通年解交額徵米折正銀一萬七百四

綏遠志

卷五下經政畧

五司所職類記

二十六

十六兩五錢五分五厘

一收豐甯興陶四廳解交額徵民地各王公廠地租耗
銀一萬九千三百七十四兩四錢八分四厘遇閏加
徵銀六百一十五兩四錢一分六厘

一收清和二廳解交額徵廠地租耗銀一千二百九十
二兩八錢九分一厘遇閏加徵銀三十一兩三錢四
分一厘

查前五項由省領到俸餉並各廳解到各項米折租
耗等銀專放八旗官兵通年俸餉米豆草折等銀
有閏之年共放銀二十二萬七百一十七兩五錢

三分四厘無閏之年共放銀二十萬九千五百五
兩八分二厘

一收歸廳解交額徵大青山後牧廠地租銀一萬三千
九百四兩一錢四厘

查此項牧廠地租專放八旗養育兵並孀婦孤女通
年餉銀有閏之年共放銀一萬二千二百一十一
兩無閏之年共放銀一萬一千二百九十四兩
一收通年應扣俸減三成餉減二成銀一萬四千三百
餘兩

查此項減二三成奏准截留抵放八旗官兵粟米例

綏遠志

卷五下經政畧

五司所職類記

二十七

折銀一萬三千九百餘兩

一收光緒十五年間奉前任將軍克奏請領回軍需銀
一萬兩除陸續動用外現存銀一千五百餘兩

查此項軍需歷年遵奉將軍奏派八旗官兵每屆三
年換防一次應在軍需項下借支俸銀應領一往
盤費製裝鹽菜等銀四百餘兩又通年應領需用
鞘箍價值等銀一百一十餘兩

一收歸和托薩豐甯六廳通年額徵粟米一萬四千四
百一十九石二斗五升四合一勺並豐甯二廳遇閏
加徵米一百五十七石五斗六升八合八勺三抄按

每石一兩三錢共折銀一萬八千九百四十九兩八錢六分九厘九忽

查此項粟米折銀專放採買八旗官兵六箇月本色米一萬三千二百餘石

一收歸薩清和托五廳通年解交額徵土默特廠地租銀三千六百一十五兩

一收歸化廳通年解交額徵大青山後空閑廠地租銀一千六百四十八兩三分二厘

一收遵奉新章添扣八旗兵餉米折六分減平銀一萬一千餘兩

綏遠志

卷五下經政畧

五司所職類記

二十八

一收由豐甯二廳新地租銀內通年撥補和托二廳豁缺兵米銀四千二百二十八兩二錢二分四厘

一收由山西藩庫通年領到各廳運米腳價銀二千八百四十七兩八錢八分二厘

查前五項奏准專放貼補八旗官兵採買不敷米價銀兩之用

一收糧餉廳應徵渾津黑河二里莊頭十三戶通年本色米一千五百四十一石一斗六升一合七抄內有光緒三十年分新升科本色米一百四十八石二斗七合七勺一抄八撮

查此項莊頭米石專放八旗官兵本色米石之用
一收應抽渾津黑河二里莊頭十三戶土藥厘金銀兩
查此項莊頭厘金通年抽收若干尙無定數

教藝各所

工政屬右司

第二段兼戶司

工藝局之設自光緒三十年始將軍貽穀會同地方官商集貲近萬金以栽絨鑼鍮及熟羊皮爲業人競趨之於是兩城旗民鮮游手是局一倡歸化亦設局以織機染絲爲業軍府亦助重貲以爲推廣工藝之漸八旗學子業此者亦數十人

八旗孀孤雖有半俸之給不足於養煢煢無依者多矣將軍貽穀防各省養濟院敬節會孤貧所之立擇淨地築室以居孤嫠貧嬾官給衣食俾習縫紉紡績之業學製軍衣以充其費現已收四十餘名命曰恤緯堂

綏遠志

卷五下經政畧

五司所職類記

三十